



830997

三

退補齋詩存目錄

卷八

古體詩

讀漁叟除夕贈詰弟子嘉詩即用原韻奉和

輓閩縣陳心泉廉訪同年

壬申初夏正覺寺初開叢林賦詩誌之

輓朱籽三觀察同年 讀楊忠愍公集

幹臣軍門建漢皋四顧亭落成徵詩紀事作此贈

之

退補齋詩存目錄卷八

一

退補齋藏板

並蒂蘭

悼花吟

夏丈藜閣明經用蘇集真興寺閣韻賦詩見贈即

和原韻卻寄

前寄皖鄂同聲集夏丈寓書道謝即疊前韻代柬


夏丈因余有歸田之志殷殷勸勉再疊前韻答之

輓林夫人清河君 輓胞伯母李太夫人

輓香山何雲咳封君

壬申冬月自楚赴白門輪舟遇霧行

彭佩雙莊守齋二公約孫琴西及余游莫愁湖遇



風漫賦

余將回楚賦詩留別用子箴贈孫琴西招飲復園
原韻上琴西並東子箴

舟中望迎江寺

退補齋詩存目錄卷八

二

退補齋
藏板

退補齋詩存卷八

古體詩

永康胡鳳丹月樵

讀漁叟除夕贈詰弟子嘉詩即用原韻奉和

漢東有高隱飲谷而棲邱王侯久不事願結林下游廉

泉汲清水不隨污濁流阿弟歲暮回情話相綢繆今夕

是何夕几席羅珍饈詰弟我舊友直與先達侔用吳萊成語

弟兄真兩難軾轍今誰傳雙種滇南樹千載甘棠留公

於滇公弟子嘉亦官於滇先後歸鄉里高尚追巢由緬懷兩君子但

樂為道謀大年臻耄耋曼福陳箕疇我來鄂渚久欲休

退補齋詩存卷八

一 退補齋藏板

東歸休嗟嗟朽腐質烏得知己酬升沈各有命富貴非

可求先生達尊備詎獨詩才優養園富竹石安用營菟

裘

輓閩縣陳心泉濟廉訪同年

我游京洛聞君名聲華藉甚蜚蓬瀛我游皖水晤君面

苔岑契合昕夕見宦情恬淡世所希君貌雖瘦民則肥

數歷中外廿餘載猶是當年韋布衣君之性情喜幽靜

我聞靜者壽彌永巫陽一旦遽見招數定由來理難準

回憶追隨皖公山治行約畧記班班召伯甘棠郇伯黍

口碑至今滿民間大才動遭造物忌皓月竟被浮雲蔽
牙琴幸遇子期知流水高山明素志

送部引 見李爵相奏調總理山東 豁然銜命

來楚江力挽澆俗歸敦龐始督楮臺繼鹽鐵重負如鼎

力獨扛君抵楚省總辦軍需局 務旋補武昌鹽法道 餘事作詩不嫌少結社

聯吟偕諸老腹稿捷同王子安胸襟高於曹世表騷壇

何意失南軍酒人一散如浮雲德星那復天邊聚顏氏

空修地下文一痛幽明從此隔老我吞聲悲死別平生

蘭誼忍便忘落月猶疑照顏色吁嗟乎人生粟寄太倉

退補齋詩存卷八

二 退補齋藏板

中一朝撒手都成空海山兜率徒幻語惟有名德垂無

窮我莫靈前非獻譽歿世最難人欽慕如君裕後遺澤

長膝下亭亭雙玉樹素車祖道送君還三千里外歸閩

山江聲嗚咽亦如我西風老淚流潛潛

壬申初夏正覺寺初開叢林賦詩誌之

我讀儒書受孔戒豈肯佞佛邀純嘏萍蹤聊證去來因

觸地能安卽智者四大彼法本皆空一切我心放不下

齋魚粥鼓音相關每過僧話到燈炮緇流目我老頭陀

但多種種髮一把回憶丁卯隆冬初 詔開書局集

羣雅是時禪林兵燹餘滿目荆榛堆礫瓦古佛巋然塊
獨存日炙雨淋蒿沒蹊天哀象教中道微俾余見之心
傾寫量度土木肩一身頓使荒墟成廣厦幸仗同人般

若心楊枝甘露頻揮灑

寺中仗官紳佈施月米供養僧衆

布金作地踰

三年

正覺寺重修於己巳三月二十一日懸掛鐘板

招集浮屠滿蘭

若證無上義開經閣聯素心人結詩社

庚午春約同人開詩社於聽經

聞此中城市兼山林好景宜冬復宜夏掘井已成九軻
功為山肯教一簣捨還期佛力渡慈航善果良緣亮天
假豈惟玉帶鎮山門坐看馱經來白馬側聽玉板聲聲

退補齋詩存卷八

三

退補齋藏板

敲此心不受紅塵惹手種祇樹今成林一笑拈花吾聊
且叶

輓朱籽三厚基觀察同年

我昔遊京華同君隸戎部我今移外秩同官居鄂渚相
處歲一周至誠傾肺腑匪獨寮誼親更忝金蘭譜衙參
會有期隨班偕聽鼓如君槃槃才允宜國家輔胡為嬰
宿疾參苓竟罔補瞑目將何之問天天無語君事我最
詳有言我欲吐幼抱穎悟安力為詩書努比長文譽馳
科名縮簪組京宦逾十年艱難賦終宴回憶軍興時羽

書急旁午

由科甲分車
駕司主事

敏勉籌軍需專閩籍鎮撫

天子嘉乃功

堯階息干羽因貧而改官祿養迎老

父父兮羈青齊

尊甫幕游山東十
餘載今就撫幕

兜竟歸黃土魂魄猶

瞻依長恨抱終古有妻腸欲摧有妾淚如雨黃口兩哀

哀無父伊誰怙吁嗟人在世到此將焉取昔居四民宅

今與萬鬼伍昔披多繡衣今見丹旒舞天乎不假年僅

得四十五賴有金石交旅櫬得所主

君友藝芳方伯照
料後事悉臻妥善

我亦視含殮悲泣愁萬緒知君有餘哀岱雲瞻彼岵錫

類資棣華豈肯分爾汝

嫡弟酉山太史視
君父一如生父

痛極作達觀

退補齋詩存卷八

四

退補齋
藏板

九京母自苦有生必有死彭殤同朽腐得失不復知修
短詎容數天上較差樂玉樓文星聚大夢已先覺此理
君當剖含淚送君歸一水通吳楚返葬惠泉山聲聲啼
杜宇

讀楊忠愍公集

乾坤正氣隨地結蕞爾容城著奇烈一腔義膽兼忠肝
萬古英光磨不滅嗚呼楊公生有明權奸當道驕且橫
文武盈廷半仗馬箝口疇敢克鋒櫻公也牧牛計早熟
有書掛角披千牘束髮便矢為名臣不肯依阿附草木

一旦登朝思匡時此心惟有蒼蒼知兩疏萬言咋人舌
死生禍福心不移誓欲除奸竟觸奸無端蜚語開禍端
九重暫悟明復蔽紛紛赤舌生狂瀾忌公急欲寘公死
廷杖敲箠血流紫脰有浩氣還太虛留得丹心報天子
公未死時書遺囑淚痕和墨呼兒讀公將死時作年譜
四十年華壽千古假使老奸真救公公也不過良臣終
要知殺身成仁事都是儉壬媒孽功

題蚺蛇膽表忠記傳奇

同朝不同官獨傷烈士披忠肝同心不同地獨為孤臣

退補齋詩存卷八

五

退補齋
藏板

寫忠義瑯琊廣文丁野鶴目擊時事皆鑿鑿匏繫容城
年復年一盤首宿甘淡泊楊公死西市丁公隱東山義

憤填胸臆老淚流潛潛譜成一曲蚺蛇膽

原序云名曰蚺蛇膽志實

也曰表忠揚美也

四顧風雲色慘澹往事至今三百年猶令頑

懦生觀感吁嗟乎宣公奏議賈生策淋漓同灑一腔血

此記莫作傳奇看史筆森嚴闡貞烈幸有周郎能顧曲

遺書搜出重校錄

心齋觀察俸滿引見後回里搜尋傳奇二卷命余付梓以公同好

酣耳熱一悲歌太息公亡明社屋

讀益陽胡文忠公集

海水橫飛坤維裂大江南北無完堞誰歟隻手迴狂瀾
益陽胡公光日月昔游京華聞公名簪筆供奉蜚英聲
今來楚水讀公集謀國誠心貫金石武庫胸中無不有
算無遺策展抱負焚香薦士酬主知最難肝膽相傾剖
公之經綸始守黔經文緯武才相兼 聖主用賢破
常格福星一路輶圍檐公之勲名在撫楚是時半壁皆
豺虎誓師江上仗忠義立變羸軍成勁旅公言保楚必
征東不分畛域不爭功興疾討賊何慷慨一腔熱血殷
如虹公曰我病不言病精力雖枯氣猶勁枕戈日夜治

退補齋詩存卷八

六

退補齋
藏板

軍書死生身外聽天命黃鶴樓頭落大星武昌柳色歎
凋零百萬軍民齊墮淚嗚咽江聲不忍聽

幹臣軍門建漢皋四顧亭落成徵詩紀事作此贈

之

將軍酒酣雙耳熱唾壺擊碎如意鐵左右顧盼颯英安
意氣直令千罷懾唱凱歸來衛桑梓甲兵淨洗銀河水
孤亭一角踞上游匠心兵法稱雙美其前近市聲無譁
其後瞰湖波無涯將軍號令如山立城頭薄暮栖歸鴉
萬里雄心猶未已夜半拔劍聞雞起徘徊四顧風雲愁

一聲長嘯生清秋秦隴滇黔及皖豫螳臂尚將車轍拒
問誰果是濟時傑憑欄睥睨俯一切此亭並峙籌邊樓
東下手挽大江流聞君酒令如軍令賓客園林兩稱勝
顧我老去愛談兵無緣投筆請長纓何時坐我亭中間
引杯看劍開心顏

並蒂蘭

壬申秋小園蘭花盛開忽得一枝十瓣而雙蒂
者賦此誌感

盆蘭羅列爭芬芳一枝秀出中庭香旁觀嘖嘖稱羨

退補齋詩存卷八

七

退補齋
藏板

道是仙種呈休祥回憶故園開並蒂我祖珍之勝珠貝
覆以桐陰圍荔牆天然丰姿超凡卉屈指於今三十年
何圖異鄉覩嘉瑞

先祖愛蘭道光癸卯開並蒂蘭者再

我聞木有連理枝

又聞秀麥生兩歧並頭牡丹並頭菊亦各鬥豔而爭奇
此花得毋其儕類同心臭味無差池獨惜空齋如幽谷
服之者誰媚者誰庭深幸免雨風妬室靜不許蜂蝶窺
昔歲己巳深秋時蘭花幻作水仙姿主人將復續佳話
廣招同人寵以詩

悼花吟

並蒂蘭開已十日矣余始見之未幾花萎感而賦此

美人年不壽好花開不久其數固難推其理亦易剖聞
道蘭開十日期國香雖早知音遲惱煞園丁不解事見
花不告主人知主人賞花纔一日仙容旋得復旋失非
恣灌溉萌芽枯非被摧殘雨風疾可憐花開雙玉蕊枝
葉專榮秀而美羅列庭階混羣芳欲結同心無知己花
開花謝如優曇蓮臺枉費騷人探地下倘逢屈大夫湘
江憑弔情何堪我思經營白玉壙一坏淨土為花葬不
作銘詞繫以詩好紉香珮永難忘吁嗟乎深山窮谷豈
無人半雜蒿萊半荆榛芳馨縱使難自秘其如晚遇辜
青春悼花無言空默默自榮自悴人無力舉杯月下招
花魂蜂蝶依依戀花側

夏丈藜閣

燃青

明經用蘇集真興寺閣韻賦詩見

贈卽和原韻却寄

文鳳匿光彩從不露儀形忽向楚天叫如聞韶護聲迢
迢二千里交誼五中營吾鄉幾老輩寥落如晨星天留
魯靈光髮白而顏頰質疑有多士

本邑崇功書院山長

恬素希韋

退補齋詩存卷八

八

退補齋藏板

稜梁書韋稜性恬素以書史為業當時士咸就質疑論詩品今古卓識邁鍾嶸

下筆風雨快能使鬼神驚經師兼人師微公曷克勝公

為一國望風高千載英

前寄皖鄂同聲集夏丈寓書道謝卽疊前韻代東

天涯有知己爾汝相忘形皖江曾結社鄂渚繼其聲登

壇角旗鼓意匠勞心營容我執牛耳追隨老人星皖鄂兩社

者老最多和聲競鳴盛不賦魚尾頰詩教本溫柔何用

宣威稜晴川對黃鶴樓閣排崢嶸歲序頻更換振觸魂

夢驚雕蟲雖小技弱腕弗能勝幸附吾鄉叟鹿仙與白

退補齋詩存卷八

九 退補齋藏板

英平湖張鹿仙海寧何白英兩觀察

夏丈因余有歸田之志殷殷勸勉再疊前韻答之

富貴本天定牢騷何敢形譬如五音奏雅鄭各異聲宦

途多捷徑百計勞鑽營惟有達者流光明如日星我躬

本韋素漫誇帶圍頰齊東野語鄭清之有他年蒙渥澤方云帶圍頰之句願學陶

靖節歸隱藏主稜敢冀周興嗣相賞遇王嶸襪褌嗟病

鶴瘦骨輒心驚問年年漸老問才才弗勝何當從釣游

濟世讓羣英

輓林夫人清河君代內子作

夫人潼關張蘭沁中丞之女年二十三歸閩縣
林穎叔時穎叔官工部軍機章京游至陝藩仇
儷甚篤庚午冬穎叔丁內艱卒未夏過鄂小住
數月九月回里今秋訃至夫人卒於五月廿七
日享年四十有一作此哀之

去年初識君寒帷欣覲面今年正思君計來驚慘變相
去歲一周光陰飛急箭人天遽以睽參商無復見回首
藤花軒傷心梧桐院小步追新涼清談接歡讌竊聞君
髻齡讀書稱邦媛比長嫺女紅鴛針工繡線夫壻快乘

退補齋詩存卷八

十

退補齋
藏板

龍結縞偕游宦堂上有威姑晨夕視饘膳事姑如事母
人言兩無間丈夫為藩侯才名高時彥分陝八九年艱
難嘗已徧賴君內助賢忠孝相敦勸姑也春秋高棄養
罹憂患扶櫬歸閩山道出漢陽縣遂纜鵠磯舟暫停寓
公戟鶴樓五月天梅花落如霰與我同巷居乍見如親
串戚顏減玉容縞衣拖素練芳隣結新鶯喜信傳雛燕
五月五日常次
子師尚生
我女曰雲都鍾愛叨夙眷喚作膝下兒姊
妹爭妬羨此情猶昨宵一別竟長恨凶耗自南來柔腸
摧寸寸人事誰逆料天道不可論幼兒纔週晬大兒未

及卅弱女泣呱呱呼娘聲千萬

君生二子三女皆幼

怪君拋黃口

撒手靡留戀君篤伉儷情忍作分飛雁君有純孝思老

母僑畿甸

君母年逾八十寓居京城

舍此將何之九原目未瞑嗚呼

人間世流光洵掣電彩雲易銷沈名花傷萎頰讀君夫

子書淚痕如雨濺臨終製香囊口猶雲都念

四月杪君製香囊欲

寄雲都製就而疾作矣

都女聞而悲拊膺徒哽咽恨身不男兒走

向寢門莫夢寐想君儀髣髴微笑倩秋風鳴竹牕猶疑

響釵釧哭君知不知寒燈一穗顫

輓胞伯母李太夫人

退補齋詩存卷八

十一

退補齋藏板

去歲祝母母正壽玉軸連雲輝錦繡今年輓母母不知

淚痕和墨寫哀辭憶母綺歲歸吾家里鄙齊聲推淑嘉

躬操井臼忘勞勩身安荆布祛鉛華事我世父廿餘載

相敬如賓終不改詎憶青年喪所天破鏡分飛掩光采

朝暮時聞寡鵠聲雙珠繞膝酸淚零晝荻含丸親督課

恪承夫志成兒名我讀犧經坤道吝儉嗇持家本天性

惟我伯母為女宗歷數懿行光志乘虔供籩豆洽烝嘗

宗祠資斧不敷太夫人捐五百金助之

慨割腴田興義莊

太夫人遺言助田二百畝為同族義莊

敬宗收族出巾幗至今風誼敦梓桑隣鄉溺

女風未息百計圖維日蹙額不重黃金重生靈一片婆

心求保赤太夫人捐助育嬰堂生生會二千金嗟嗟僻壤民多窮每遇荒

年籽柚空惻然指困抹貧乏中澤不聞哀鳴鴻咸豐壬子歲大

歉太夫人倡捐四百金歸散賑局又設粥廠以食餓者更能重士興文教義粟仁

漿資學校本族創興文會捐田以助膏火劇憐荒塚杜鵑聲麥飯頻施

及泉窖族中無主之墓助祭田以祀之曩時州里遭兵戈籌畫芻糧養

鶴鵝祗願豺狼滅朝夕毀家紓難志無佗同治壬戌賊陷邑城太夫

人助二千金為募勇之費又出三千餘金散給難民積善紛紛難悉數天錫遐年

壽仙姥辛未五月太夫人九十壽滿擬期頤賡 聖朝誰知凶耗

退補齋詩存卷八

十一 退補齋藏板

來鄂渚痛余十載離家山未獲晨昏依慈顏幸荷

榮封光泉壤 芝綸五色生爛熳辛未春余以湖北補用道加三級

地請封典地下倘逢先父母問余宦轍休與咎為言買棹將

南歸種梅孤山伴鶴守楚江匏繫空望雲至親何暇慙

無文聊代撫棺伸一痛嗚呼母兮聞不聞

輓香山何雲咳封翁

憶昔皖江覲公面末座追隨朝暮見逮來鄂渚送公歸

楊柳垂青情依依粵水楚山三千里尺書問訊託雙鯉

聞道起居健如恆黃髮番番猶壯齒去年公壽登八旬

嚴冬急景如陽春

公誕於臘月

行看圖形偕九老豈知羽化

騎星辰一昨凶耗金陵至驚定還疑非實事睽違色笑

方六年慨想平生如夢寐始公宦蜀著循良蒸蒸吏治

追龔黃平反疑獄消牙角至今遺愛留甘棠尤精韜鈴

古無比兵法十三孫武子聲威所至平獯夷立殲長蛇

殄封豕

道光間公權屏山時邊境獯夷為患捕獲殆盡咸豐中甯遠野夷滋事公率兵勦辦衆皆降服

從來經濟鮮文章惟公才學識兼長簿領餘閒勤述作

經經緯史堆琳琅

公著有存誠齋文集餘廿軒詩集退庵詩話玉帳狐腋等編

性情

篤嗜惟風雅清高不受紅塵惹春蘭秋菊羅庭階聊助

退補齋詩存卷八

三

退補齋藏板

吟瓢與酒竿膝前麟趾咏振振教子能為柱石臣德澤

旁敷半天下皖吳晉楚規經綸孫曾林立滿瑤砌厚福

如公期百歲胡為厭世乘鶴游南極光芒竟入地我失

山斗淚沾裳關河阻隔迷津梁太息音容莫我接但有

魂夢依公旁搦管寫哀情難盡寒窗獵獵江風緊虔蕪

心香唱大招烟痕一縷羅浮引

壬申冬月自楚赴白門輪舟遇霧行

輪舟一日走千里朝泛漢江暮皖水奔騰不藉風力行

計到鍾山可屈指胡為夜半忽停輪長江滾滾飛沙塵

不怕風波怕煙霧煙霧迷離天地昏雲影水光共一色
縱有火輪難施力艤幢下視森如林大舟小舟行不得
兩岸山高全失青紅樹扶疎皆窅冥如此陰霾何所見
一羣鷗鷺梳霜翎旋看金烏海東上異彩紛綸光萬丈
漫天黑燄都銷沈何愁魑魅與魍魎我三晝夜來白門
江關下榻棲孤村愁絕深榛多苦霧何時太陽照覆盆

余初七日抵白門下關初五夜有客被賊劫掠並受賊傷尚未捕獲

彭佩雙莊守齋二公約孫琴西及余游莫愁湖遇風漫賦

退補齋詩存卷八

十四

退補齋藏板

呼車同出水西門狂飈捲沙天為昏滿目榛蕪迷古道
荒涼何處盧家村盧家有女名莫愁伶俜弱質淪青樓
聲價當時重白下舞裙歌扇矜風流往事至今千百載
美人黃土湖猶在眉黛依稀湖上山臉波想像湖中水
六朝金粉鬪繁華江南多少女如花獨有香名傳不朽
游人萬口爭矜誇人生悔不作女子似此鬚眉世有幾
我來訪古緣偏慳聒耳風濤聲四起主人載酒開華筵
山穀野藪充肥鮮白日秉燭齊大笑閉置僧舍嚴關棧
是日風狂無一躲避之所乃命寺僧牖戶扃開燃以燈燭一杯一杯醉酩酊獵獵寒

風打窗緊莫愁湖上偏多愁豈是香魂煞風景

余將回楚賦詩留別用子箴贈孫琴西招飲復園

原韻上琴西並柬子箴

我將賦驪駒離筵朝夕餞舊雨兼今雨歡笑恣談讌佳
日逢長至流光駛如箭惟有金石交不隨寒暑變昨誦
君詩篇百忙手抄繕未展浣花牋先滌龍尾硯擲地聲
琅琅吟哦殊未倦韓杜腕底馳蘇黃毫端見故人不我
棄芝蘭香滿院慚余畫蛤喧亦受羣公眷衣體集百家
痕迹滅鍼線得此文字樂欲去心猶戀孟郊忘其寒毛

退補齋詩存卷八

十五

退補齋
藏板

雖恥自薦七年客楚水歸裝計難辦騏驥看騰雲駑駘
終戀棧苦恨歸期促白門游未徧明日挂輕帆遙情渺
天塹

舟中望迎江寺在皖省東門外

我過迎江寺可望不可即殿宇轟雲霄今日異疇昔回
憶皖江居滿地生荆棘戰壘鬱愁雲旌旗蔽白日一旦
塵氛消豺狼漸逃匿偃武而修文推恩及佛國土木工
重興請帑賴帝力利益徧十方黃金安足惜故人今已
殂謂吳竹莊方伯留此大功德奏請帑金一萬兩為修寶塔及寺宇等處我在舟中

行滿目擁金碧未獲登崖觀寸衷徒脉脉

退補齋詩存卷八

十六

退補齋
藏板

行滿目擁金碧未獲登崖觀寸衷徒脉脉

退補齋詩存目錄

卷九

今體詩

古鏡

畫艣

村居四景 四首

釣臺

典衣

和湯雨生都督金陵絕命詞原韻 二首

退補齋詩存目錄卷九

秋月

冬月

偕傅梵譜趙蓮舫齋中玩月

冬至日趙紱庭孝廉招飲有感

柬趙蓮舫茂才

對雪雜詠 四首

古劍

梭纜

天台小游仙 原詩三十首
今存十四首

雪佛

咏秋 原詩二十首
今存十首

一
退補齋
藏板

古鏡
畫艣
村居四景
釣臺
典衣
和湯雨生都督金陵絕命詞原韻
秋月
冬月
偕傅梵譜趙蓮舫齋中玩月
冬至日趙紱庭孝廉招飲有感
柬趙蓮舫茂才
對雪雜詠
古劍
梭纜
天台小游仙
雪佛
咏秋
一
退補齋
藏板

退補齋詩存卷九

今體詩

永康胡鳳丹月樵

古鏡

照影曾窺漢殿春
土花剝蝕歷紅塵
龍盤鳳紐都零落
賸有秦關月一輪

古劍

不平心事酒難澆
醉倚空同氣尚驕
三尺昆吾經百鍊
摩挲霜鋸未全消

畫艫

退補齋詩存卷九

一
退補齋
藏板

小詞新譜夜行船
鳴櫓雙支劃暮煙
月墮橫塘且休息
白蓮花下有鴛眠

機纜

秋水橫空影不沈
斜拋渚尾又江浔
似憐旅客蹤飄泊
繫住天涯一片心

村居四景

桃溪朗月

桃溪在村前春
來著花極盛

坐對春城暮靄低
尋芳恰趁夕陽西
桃花流水春如許
明月青山路不迷
鼓棹好隨金谷燕
磨鏤遙聽汝南雞

武陵仙客今何在應會嫦娥上玉梯

松石清風

松石在牛眠山上長約二丈許

仙家幻術寄靈蹤變化全憑七尺筇一片雲根風拊石
千年雪幹日凌松何當袍笏能邀拜從此頭銜不受封
卓錫生公來說法披襟拂拂駕虬龍

烏石飛泉

烏石塘在村西廣三十丈餘深數丈注田萬頃旱年不竭

螺黛雙流綠滿塘塘名烏石水中央池心浪疊浮天碧
浦口泉飛入夜涼飲可延年山有醴醕能禦旱歲無荒
源頭活潑清如許靜坐雲根引興長

退補齋詩存卷九

二

退補齋藏板

牛眠聳翠

牛眠山在村西上半山曰牛頭下半山曰牛尾祖墓在焉

兩山高聳翠微巔爽氣西來黛染煙萬本松杉招鶴舞
千秋窻窻卜牛眠長城頭角森森現捧出雲霞朵朵鮮
村外牧童歌緩緩道遙倚杖聽流泉

天台小游仙

滿徑煙蘿靜俗喧雙履齒印苔痕悔教花瓣隨流去
賺得漁郎入洞門

清溪曲曲小橋斜指點方壺隔絳霞知否林泉原有主
前峯峯半是吾家

伐毛洗髓獨全真，猿鶴窺簾解笑人。
泉石本來無俗韻，卻從何處帶紅塵。

高寒洞府接清穹，雲影飛來朵朵紅。
一曲霓裳偷學得，分明人住廣寒宮。

臨風笑倚小桃花，瑤草菲菲映玉砂。
青鳥歌來元鶴舞，殷勤低語勸胡麻。

琥珀杯浮綠螳光，輕風吹送麝蘭香。
無端惹得同儕笑，錯把塵緣賀玉郎。

閒乘露氣入瑤臺，曲曲雲廊淨俗埃。
萬籟聲沈珠箔冷，

退補齋詩存卷九

三

退補齋
藏板

撫絃一唱紫雲迴

曾同仙侶入蓬瀛，五色雲光護上清。
麟髓羊脂纔宴罷，驂鸞歸去月華明。

瑤草琪花競眾芬，樓臺一半鎖春雲。
閒閒飛去白蝴蝶，原是麻姑舊日裙。

煙雲一帶綠迴環，吹到涼風消夏灣。
豔福阿誰消受得，塵心依舊戀鄉山。

寂寂幽居又幾春，階前碧草自鮮新。
侍兒特地傳青鳥，折得紅桃寄故人。

璇宮曾憶搗元霜
玉杵情緣竟渺茫
惱煞東風無賴甚
等閒吹散百花香

何人重訪白雲鄉
暮靄朝煙枉斷腸
一片苔痕留舊跡
深山空賸月昏黃

玉砂丹樹兩迷離
無復清歌聽采芝
試向青鸞詢舊事
杜蘭香去幾多時

釣臺

亮節高風孰與儔
客星歸去老羊裘
瀧迴七里中流月
木落雙臺萬古秋
寒瀨幽棲甘隱逸
空江獨釣傲王侯
閒身未慣嬰軒冕
不下龍鰲渭水鉤

退補齋詩存卷九

四

退補齋
藏板

雪佛

大千世界影婆娑
翦玉雕瓊幻刹那
一片冰心知在否
本來無物是彌陀

典衣

風威獵獵打柴扉
雨點瀟瀟雪片肥
篋裏春衫猶可典
教兒檢出換冬衣

咏秋十首

更無清露滴深宵
兩岸丹楓葉盡凋
賸有素娥曾對影

那堪青女又封條
鐘聲隱約寒山寺
人跡明白板橋心
溯伊人吟宛在
蒹葭仍隔水迢迢

秋霜

輕煙漠漠四圍遮
遠鎖孤村望眼賒
曉岫迷離寒橘柚
晴灘隱約冷蘆花
白門秋色東西路
紅樹斜陽三兩家

選勝遙尋雲外寺
一聲清磬破殘霞

秋煙

天色高寒日色晶
西風蕭瑟滿江城
平翻蓼影雲無迹
低戰蘆花雪有聲
海國帆飛斜照冷
桐階露滴月華明
晴皋試看雙鷗疾
健翮初搏九萬程

秋風

長空雲影浩無邊
和墨描成淡最妍
槲葉風來波似雪

退補齋詩存卷九

五

退補齋
藏板

蘆花岸遠月如煙
雁聲渺渺沈前浦
蠅火星星閃暮天
自是南華工寓物
蓬窗更讀漆園篇

秋水

涼風一夜起
秋聲斷續清砧訴
別情擣碎離心人
萬里驚殘旅夢月
三更山頭有石埋
長恨塞外無衣悔
遠征銀漢西流宵正永
織將錦字寄長城

秋砧

黃沙漠漠黑雲浮
蘆管涼生絕徼秋
有客臨風歌水調
何人吹月按梁州
文姬關塞聲偏咽
蘇武河梁淚欲流
故國迢迢歸未得
更堪畫角起鄉愁

秋笳

黃花冒雨影離披
重九芳辰進一卮
老幹何妨霜獨傲

深林祇有月相知瘦真似我心先醉淡到無言韻更奇
陶令不愁歸去晚故留高節伴東籬

秋菊

曾記春風巧樣妝長隄蕭颯又秋光更無小院啼鶯處
賸有荒臺走馬場紅葉吟詩霜慘淡白門送別月昏黃

纖腰女伴休相憶不復當時舞態狂

秋柳

寒山寂寂暮雲深無復幽情噪茂林一葉梧桐秋雨落
數行楊柳夕陽沈低俛瘦蝶迎風影冷抱寒蟿飲露心
賈老題詩何處在幾番蕭瑟聽清吟

秋蟬

江南江北暮烟霏欲別仍留白板扉
籬老春風辭翠幕

退補齋詩存卷九

六

退補齋
藏板

涼深秋社悵烏衣關山夜雨重重夢院落斜陽故故飛
知否主人情不薄護持舊壘待君歸

秋燕

和湯雨生都督金陵絕命詞原韻

丈夫身許國大義懍春秋節並蘇卿烈書陳尚父謀

公著

丹心原不死白骨問誰收聊慰天人願持躬泯

怨尤

金陵銷王氣草木亦傷秋戎馬爭先遁巢烏笑自謀
猶懸漢在功未渡河收懍懍平生節臨危得寘尤

秋月

已涼天氣近中秋素影如珪淡欲流圓到十分千里共
照人心事惹人愁

冬月

庾嶺新來萼綠華嫦娥索笑向梅花窗前一樣清清影
添得寒香上碧紗

偕傅梵譜趙蓮舫齋中玩月

瓊樓高處不勝寒影射雙梧皓魄團相約故人同把酒
前身應作一輪看

冬至日趙紱庭孝廉招飲有感

退補齋詩存卷九

七

退補齋
藏板

天雞唱曉日初升令節閒招酒社朋幾處柳條春信漏
一枝葭管臘灰騰他鄉掃墓風搖樹旅客思家月挂藤
回憶故園梅正放雲山歸踏萬千層

東趙蓮舫寶坤茂才

錢江旅思寄王孫細雨梨花正斷魂一路催舟嫌太急
了又溪畔月黃昏

楓鎮泊舟處
名了又溪

對雪雜詠

典卻春裘酒興催更教煨芋撥寒灰閉門高卧羌無伴
只有山中幾樹梅

一望西疇白糝沙高原下隰麥初芽老農錯認田生玉
千萬倉箱預拜嘉

風蓑雨笠不勝寒古岸何人把釣竿我亦剡川迴棹者
浪花併作雪花攢

寒聳雙肩步步挑白雲深處有歸樵千山萬徑人蹤滅
走到前溪錯過橋

退補齋詩存卷九

八
退補齋
藏板

退補齋詩存目錄

卷十

今體詩

咸豐乙卯赴都抵斗門汎

偕太湖王柳橋仁和龐笏庭游煙雨樓半途遇雨

而回

輓蔣稻孫孝廉殉節太湖次王柳橋原韻

惠泉山下停泊 晚游惠山

謁張忠愍公生祠 小金山

退補齋詩存目錄卷十

一
藏板 退補齋

高郵病中

舟過高郵露筋祠和王柳橋原韻

中伏三日宿王營

偕王柳橋龐笏庭諸君宿順河集

李家莊夜宿 兗州道上

東昌道中阻水

車至東昌因河決易舟赴都

將至舊縣山行遇雨 泊魏家灣夜宿

甲寅三月粵賊陷臨清六月克復余過其地悽然

賦此

舟泊固城

次馮家口

西家灣雨後即景

七夕後一日過滄州

將至津門扁舟夜行

至津門有感

御門陪班恭紀

赴圓明園帶領引

見遇雨

悼亡

四首

送湯我莊明府出宰義甯

三首

戊午春得家書喜七弟入泮

退補齋詩存目錄卷十

二

退補齋
藏板

送陳仲衡明府出宰竹山

二首

己未冬本部學習期滿引

見恭紀

壬戌恭遇 覃恩得邀三代

封贈

哭七弟虞卿

讀宗滌樓觀察北軒草次過濟州原韻

南陽湖即景

六首

哭六弟桐村

四首

舟泊袁江

退補齋詩存卷十

今體詩

永康胡鳳丹月樵

咸豐乙卯赴都抵斗門汎

瀟瀟細雨歇黃昏相約鄰舟泊斗門月色淒清啼杜宇

天涯蹤跡感王孫請纓未展平生志擲笛偏銷逆旅魂

千古文章幾知己蓬窗沽酒細評論同舟王柳橋龐笏庭

偕太湖王柳橋維新仁和龐笏庭鍾璫游煙雨樓

半途遇雨而回

百尺樓高擁碧蘿柳堤茅店夕陽多舟停古渡僮沽酒

退補齋詩存卷十

一 退補齋藏板

橋跨春波客渡河過春波橋渡河入樓雨腳遠垂紅蝶竦雲髮濃

沐綠煙波綠慳不許留鴻爪待我南旋倚棹歌

輓蔣稻孫孝廉慶會殉節太湖次王柳橋原韻

逕赴清流不肯還蒼茫劫運感循環文章信可空餘子

俎豆何慙誓此間蔣君死於泮池碧血沈埋乾淨土丹心參透

死生關平原大義常山節肅肅忠魂伴二顏

惠泉山下停泊

九龍招我飲玉局見留題曲港通幽徑雙峯夾小溪惠泉

山由小金山西入小港酒沽紅杏隴舟泊綠楊隄未盡尋芳興歸

來夕照西

晚遊惠山

玉局曾遊壯大觀名泉第二舊碑刊

石壁上題曰天下第二泉濤翻

老樹晴疑雨月照幽篁暑亦寒峭壁多情千嶂拱山靈

有幸

九重看淙雲兩字輝

宸翰

乾隆南

御題

淙雲二字萬古江湖慶奠安

謁張忠愍公生祠

在惠山東偏

烈烈張忠愍騎箕應列星元精懸日月大節炳丹青水

薦寒毛潔山因毅魄靈功動開郭李千古有餘馨

退補齋詩存卷十

二

退補齋藏板

小金山

在無錫縣東江中為賓客讌會之地

小金山轟水中央為語篙師泊畫航樓閣迴環圍碧汎

亭臺屈曲隱紅牆萬家煙火環城白一徑松篁繞岫蒼

只覺詩情描不盡畫圖更欲倩倪黃

高郵病中

驛路天方暑憐余抱采薪新愁兼病夏舊事倍傷春視

藥累知已倚閭懷老親鄉書何日到有夢共酸辛

舟過高郵露筋祠和王柳橋原韻

布帆高挂趁星郵煙雨祠堂艤棹游淚眼枯同風草勁

貞心潔與月光浮
淮江有水難銷恨
楊柳無情只繫愁
廟貌如生勞想像
闡揚彤管燁千秋

中伏三日宿王營

登車未幾捨車忙
北望燕雲路渺茫
茅店一燈題壁白
槐花萬樹逼人黃
出門始識風塵苦
探篋惟留翰墨香
從此前程須努力
莫愁金盡苦思鄉

偕王柳橋龐笏庭諸君宿順河集

桃源纔話別暮抵宿遷城雲淨天無翳
風高月有聲開樽留客醉對榻話鄉情
今夕聊高卧吟燈分外明

退補齋詩存卷十

三

退補齋
藏板

李家莊夜宿

多情茅店月照我引壺觴
有女工彈瑟何人不斷腸
更長嫌燭短衾薄覺天涼
忽忽東方白寒途怯早霜

兗州道中

席帽塵衫赴帝都
霜橋茅店渺征途
山形北折羊腸細
秋色西來雁影孤
柳岸風嘶盤駟馬
蘆灘日暖聽啼烏
絃歌比戶懷鄒魯
猶有遺規似古無

東昌道中阻水

平原成澤國又報決黃河水闊
青無岸風平綠不波
征

駭葭岸湖人跡稻田過行路難如此臨流發浩歌

車至東昌因河決易舟赴都

賴有慈航渡何須泣路窮水添三尺浪

開官報黃河決口水長三尺

天助一帆風沈陸胡為易生波到處同流離桑海裏愁絕聽哀鴻

將至舊縣山行遇雨

犖确嗟行徑驅車我僕勞斜陽鴉背閃峻坂馬蹄驕風挾四山雨泉飛萬壑濤今宵茅屋賞翦燭快吟毫

泊魏家灣夜宿

退補齋詩存卷十

四

退補齋藏板

行人初繫纜新月墮滄灣河決田成海風狂浪撼山漁燈明荻浦螺髻隱松關相對夜將半清談殊未閒

甲寅三月粵賊陷臨清六月克復余過其地悽然

賦此

官民同日殉報國膽齊傾大義千秋重浮生一死輕青燐攢廢壘白骨慘空城搔首天難問滄桑感變更

舟泊固城

夕照臨流下扁舟泊固城風霜催客老星月傍人明潑

墨揮長札

更餘作札寄濟甯王守或

推篷剔短檠故園回首處夢想

有餘情

次馮家口

暮宿垂楊渡停舟近二更漁燈三兩點蛩語萬千聲露
重低花影雲開漏月明家山渺何許無限故人情

西家灣雨後即景

蒼茫煙水闊畫稿脫吳江轉舵風隨艫推篷雨打窗寒
蟲吟唧唧秋燕掠雙雙兩岸漁家樂灣頭泊小艫

七夕後一日過滄州

一棹乘流去佳期七夕過灘平無險浪風靜不揚波水

退補齋詩存卷十

五

退補齋
藏板

月明如鏡江雲縹似羅吾鄉潘刺史德政發謳歌

同邑潘耘

流先生官滄州已踰卅載至今民感其德

將至津門扁舟夜行

津門纔入望日暮健拏舟水底星千點雲端月一鉤宵
長燈火促人倦櫓聲柔聊寄蒹葭咏相思白露秋

至津門有感

家山回首路三千草草勞人百感牽未卜風雲酬壯志
偏教車馬耗青年曉風殘月催孤棹春燕秋鴻各一天
翹盼都門何日到江鄉雲樹渺無邊

御門陪班恭紀

帝闕巍哉柱桓嚴

天威咫尺肅觀瞻星辰萬戶環

宮禁雨露三霄綴殿檐香惹爐煙雙袖靄花明玉

珮百工僉

丹墀朝罷頒金詔一幅絲綸五色籤

赴圓明園帶領引 見遇雨

秋雨滂沱綠漾渠深宵入直水盈車垂紳鷺序朝

天早報漏雞人戒旦初仙仗色寒珠露潤

御爐香

裊篆煙疏承

恩莫妬龍池柳一例霑濡到錦裾

悼亡

丁巳五月初二日鄭夫人抵京
二十七日陡發疹症遂至不起

退補齋詩存卷十

六

退補齋
藏板

伶娉弱質怯風塵我累卿卿受苦辛陌柳纔舒離別緒
曇花忽了去來因辭鄉路隔三千里逝水年將四十春
乍慰相思旋永訣一番回首一傷神

我在長安汝在家北堂餐飯勸勤加貧炊厨甑雙弓米

豔織宮袍五色花曾憶早朝親聽漏空思偕老與同車

夜深淒絕梅千樹何處魂招萼綠華

琴不成聲悵斷絃怕聽兒女涕漣漣兩情枉祝花長好

同夢俄驚月未圓結髮因緣拋一瞬傷心福慧斬雙全

也知秉性勤兼儉怎忍臨風吝紙錢

誓海盟山負舊恩思量往事倍聲吞返魂莫覓長生藥
連理應留再世根鴛鏡漸封塵一寸牛衣猶剩淚雙痕
好迎 花誥光泉壤更紀徽音示子孫

送湯我莊

敦誠

明府出宰義甯

羈棲燕市已三年萍水論交亦夙緣下榻相逢徐孺子
據鞍常慕馬文淵豪能醉酒頻看劍貧為貪書不惜錢
終許澄清酬壯志聞雞先試祖生鞭

半生辛苦喜吟詩腕底傳神筆一枝老杜篇章聲夏玉
兩蘇經術學傳箕世無當意非關傲語必驚人 大是奇
月旦評才今有幾騷壇牛耳讓君持

退補齋詩存卷十

七

退補齋
藏板

蕭然襍被出皇都此去相思夢與俱交到忘形纔免俗
詩耽破寂不嫌孤唱酬元白還能否風誼羊求世有無
身在客中偏送客銷魂一曲賦驪駒

戊午春得家書喜七弟

鳳韶

入泮

一紙千金喜報聞棣華輝映泮宮芹略償芸案鑽研苦
差慰萱堂盼望殷春草池塘偏惜別秋風鷹隼定超羣
東頭屋接西頭近夜雨連牀待陸雲

送陳仲衡

汝蕃

明府出宰竹山

儒林循吏兩超羣三楚蒼生早望雲司馬文章能化俗
子龍肝膽願從軍君欲投筆從戎娛親鶴俸供升斗過客駒陰
惜寸分今日春明愁送別草青南浦更思君

一鞭鞍馬就長途後會何期間有無憐我空囊徒贈縞

感君厚誼已投壺相思兩地書傳雁報最三年烏化鳧

登爽亭邊迎竹馬亭在竹山縣東此行努力展嘉謨

己未冬本部學習期滿引 見恭紀

濫竽武部已三年叨列鵷班覲 九天松柏經霜凋

獨後藿葵向日照無徧寅階鵠立聲鏘珮午夜雞鳴猛

退補齋詩存卷十 八 退補齋藏板

著鞭私幸微臣瞻 帝闕錦衣香惹 御爐煙

壬戌恭遇 覃恩得邀三代 封贈

龍綸五色賁寒門累葉雲初溯本根 丹陛九天頒

寵誥黃泉三代荷 覃恩敢將簪紱誇鄉里猶有弓

表示子孫回首顯揚嗟已晚何如菽水逮親存

哭七弟虞卿 鳳韶

惡耗南來隔歲遲連牀風雨不勝悲 元年七月初三日
難二年五月五日

在京始遠離梓里三千路痛折荆花第七枝白刃不辭

偕子幼 與子宗壽同時殉節黃泉先赴侍親慈 先太夫人八月棄養七弟先一月殉

難傷心佳節逢重午讀罷離騷墮淚時

讀宗滌樓

稷辰

觀察北軒草次過濟州原韻

家山蹂躪已三秋風月飄零賸二樓

金郡房屋均被賊燬惟明月清風二

樓尚

存 兵火誰回今劫運滄桑早變古名州胸無韜畧懷

諸葛詩到蒼涼近陸游京宦十年慙曠職山公薦牘廁庸流

南陽湖卽景

半帆風順抵南陽草舍茅廬徧水鄉三百里湖天一色蒹葭采采水中央

退補齋詩存卷十

九

退補齋藏板

湖心搖出賣魚船河鯉雙雙別樣鮮傍晚漁翁沽酒去呼兒曬網白雲邊

半湖荷葉疊青錢藕白如銀藕孔圓藏得泥淤羞出水情絲萬縷惹人牽

蓮西魚戲復蓮東六月花開出水紅薄采蓮心休怨苦盈筐喚賣老蓮蓬

風味思鄉喚賣鱸一湖秋景葦兼蒲莫嫌小草忘收取織席編書少得無

江鄉生長水雲流夾岸菰蘆碧似油載得滿船歸去晚

數聲鴻雁一天秋

哭六弟桐村

鳳岡

同治元年六弟為賊所脅行至昌化白牛鎮不食卒賊藁葬之記其里居姓氏余遣甥殿瑞族弟思桁檢骨歸葬於柏石山之陽

太息荆花次第摧鵠原急難信堪哀文山正氣常山烈

死戀萱闈侍夜臺

先母於去年八月棄養

許國初心未肯違人生到此尚安歸祇求一死完高節忠義千秋效采薇

退補齋詩存卷十

十

退補齋藏板

一坏渴葬在他鄉宿草低迷半堵牆檢得遺骸歸梓里白牛鎮上姓名香

螢案辛勤鐵硯磨名場恨未掇巍科而今始信廣文冷

地下栽培弟子多

選鄞縣訓導未赴任而死

舟泊袁江

連日南風滯客航濟州今始抵袁江雙隄路險沙飛白萬里河流水不黃狼藉遺骸填宿莽縱橫廢壘臥斜陽傷心是處經兵火何止瘡痍痛故鄉

退補齋詩存目錄

卷十一

今體詩

同治甲子留別竹溪礮溪兩兄 四首

謝王琳齋明府餞別 二首

別吳子厚廣文 二首

讀潘憩南丈詩草賦此話別

臨郡晤程芷春廣文

乙丑四月十日由滬抵皖寄寓藩署客中無事率

退補齋詩存目錄卷十一

一 退補齋藏板

爾成詩上何小宋方伯 四首

贈李恕皆廉訪 二首

送李紫庭觀察偕婿何葆之附海艘回粵東 二首

皖江卽景 二首 贈何璧侯司馬

荷橋 蕪湖舟中卽景 二首

出游東門登浮圖偕李紫庭觀察何璧侯崑圃兩

明府 中元日弔南陵孤墳 三首

中元節思親 二首 荻港阻風

病中口占

吳竹莊廉訪枉駕留別余卧病在牀不能答拜作

此送之

重陽客感

贈王峯臣軍門 六首

贈馬雨農學士兼以送行 二首

大觀亭遺址

除服有感

退補齋詩存目錄卷之一

二

退補齋
藏板



大觀亭遺址

重陽客感

贈馬雨農學士兼以送行

贈王峯臣軍門

大觀亭遺址

重陽客感

吳竹莊廉訪枉駕留別余卧病在牀不能答拜作

退補齋詩存卷十一

今體詩

永康胡鳳丹月樵

同治甲子留別竹溪磻溪家兄

桃花溪畔暫分襟
語別魂銷思不禁
從此池塘空有夢
亂山殘照入孤吟

作客燕臺久未歸
慚予侍奉缺慈闈
望雲空灑萱堂淚
拜埽先塋願已違

回憶當年薊北馳
十三荆樹向榮時
自遭寇亂家多難
風雨摧殘賸幾枝

退補齋詩存卷十一

一
退補齋
藏板

別戶分門自一家
詩書餘暇課桑麻
山鄉惟有耕兼讀
莫放兒童捉柳花

謝王琳齋景彝明府餞別

出山泉比在山清
一片冰心與水盟
不信風塵多俗吏
本來面目是書生

西窗翦燭雨連宵
三日羈留駐畫橈
春水淙淙春草碧
文通那得不魂銷

別吳子厚同堉廣文

楨幹非同百里才
他時為國展雄材
琴堂治術鱣堂起

化雨仁風一例推

雲含宿雨水含煙江上新晴好放船兩岸綠楊初展眼
絲絲綰恨夕陽天

讀潘憩南文詩草賦此話別

欲唱驪歌去復留元亭問字未曾休雨聲纔斷吟聲續
夜半推窗月滿樓

臨郡晤程芷春炳藻廣文

赤松山上綠成陰舟泊雙溪水百尋久別相逢翻似夢
天涯藉慰十年心

退補齋詩存卷十一

二 退補齋藏板

乙丑四月十日由滬抵皖寄寓藩署客中無事率

爾成詩上何小宋環方伯

板輿迎養慰親心給假三旬 帝眷深將赴廬風道任在部請假

一月回蜀省親迎養皖中椿樹延暉娛杖履棣華競爽煥簪圖書

世守千秋鑑忠孝家傳兩字箴君鏞小章八字祖有遺訓忠孝傳家循吏

儒林原一轍在山泉水出山霖

保障屏藩德政新福星光照皖江春誰知建節持旄日

猶是安貧樂道人君為皖藩貧如京洛時案牘勞辛煩指畫軍書

旁午必身親三年報最官聲好兩袖清風不染塵

嗷嗷四野聽哀鴻憂樂關心與衆同
况黍每興郇伯雨

兩次祈雨
感召甘霖

芾棠曾憇召公風運籌偶暇仍耽咏
分過猶

甘况讓功料得楚民如望歲歡迎竹馬走兒童

四月由皖藩調

補楚藩

八年京國始論交舊雨深情未肯拋
燕寢難忘千里夢

鳩居聊寄一枝巢
貌躬偃蹇如飄梗處世浮沈似繫匏

仲叔相依嫌太累猪肝一片惹人嘲

贈李恕皆文森廉訪

連年烽火燭天紅江左安危繫此公
早奉慈闈來就養

退補齋詩存卷十一

三

退補齋藏板

能偕難弟出從戎親人雅度三秋月
對客雄談四座風

湖海元龍樓百尺酒酣吐氣互長虹

前身小謫是青蓮斗酒縱橫詩百篇
縱入宦途能絕俗

自營斗室學參禪連宵甘雨皆為瑞
誠心齋戒
感召甘霖一握清

風不費錢火色鳶肩當速貴會看勲業繪凌煙

送李紫庭觀察偕婿何葆之附海艘回粵東

樽酒論交見性情萍蓬蹤跡鷺鷗盟
淵明高韻隨花隱

叔度澄懷照水清塵世半生雙鬢改
家山萬里寸心榮

君身本是青蓮後飯顆相逢膽欲傾

乘龍快婿選東床縹緲蓬萊接婿鄉計日猶憎雲樹遠
乘風不覺海天長醇醪未飲心先醉婚嫁兼營事漸忙
同在客中偏送客一聲驪唱斷人腸

皖江卽景

潢池盜弄十餘秋今日干戈尚未休萬里長江無恙在
潮聲依舊向東流

戰艦重重列皖江隨潮上下水琤淙滿船都唱梅花曲

按拍聲聲鐵笛腔

水師泊駐江岸統領為彭雪琴
宮保善繪梅花洵推風流儒將

贈何璧侯司馬

退補齋詩存卷十一

四

退補齋
藏板

隨宦高堂西蜀居課兒想見課民餘勸君遠紹箕裘業
簿領餘閒讀父書

荷橋

湖水彎環去復回中流容與共徘徊清風一縷徐徐引
綠水青山四面來

蕪湖舟中卽景

秋雨秋風一棹來舟行歷徧水雲隈白鷗迎我如相識
忘却機心兩不猜

靈雨連朝苦太多呼杯獨酌遣吟魔篷窗一榻眠難穩

蘆葦有聲船底過

出游東門登浮圖偕李紫庭鸞儀觀察何璧侯琮

崑圃珂兩明府

驅車策馬出東城古寺隳頽作柳營時楊文炳軍門一駐紮塔下為營

塔孤撐光舍利萬山迴抱勢崢嶸青圍雲樹天無影白

湧江潮日有聲縱目回闌閒眺望遠空如畫喜新晴

中元日弔南陵孤墳

亂後難招故國魂秋風秋雨冷黃昏可憐一樣中元節

誰向墳前奠酒樽

退補齋詩存卷十一

五 藏板 退補齋

城頭古木噪歸鴉障霧迷離望眼遮荒土一坏今尚在

寒風吹淡夕陽斜

蔓草荒煙土一堆天涯渴葬客心哀幽魂渺渺歸何處

可有兒孫掃墓來

中元節思親

痛念椿萱隔九泉瞻依空望白雲邊當年酷愛魚羹好

泣寄鮓魚祭墓前皖省精鮓魚最美遣介攜歸

今日銜哀痛蓼莪椎心輒向昊天歌雞豚養志嗟何及

不見慈親下箸多

荻港阻風

扁舟一葉水雲窩江上詩情向晚多雨挾濤聲馳萬馬
煙皺山色擁雙螺蓼花墜地紅無影雪浪連天綠不波
回首餘杭鄉樹隔篷窗沽酒發高歌

病中口占

秋風吹白鬢邊絲瘦比黃花懶不支膠漆幾人稱好友
刀圭何處覓良醫嶙峋病骨經霜傲輾轉愁心問月知
乞得青囊無祕術推窗靜坐讀陶詩

吳竹莊廉訪枉駕留別余卧病在牀不能答拜作

退補齋詩存卷十一

六 退補齋藏板

此送之

不具衣冠不送迎病中高卧近無情柴桑已入淵明夢
襟抱誰如叔度清半畝藏書珍手澤君家半畝園中有
閱枕樓藏書十萬
千言下筆關心兵公侯將相尋常事九萬扶搖壯此
行卷餘

重陽客感

出門新柳始含黃二月由家赴皖久客他鄉似故鄉世路炎涼
生百感江城風雨又重陽一壺酒醉花間月雙鬢愁添
草上霜不是催租偏敗興懶吟詩句索枯腸

贈王峯臣可陞軍門

零旗斬將出奇籌身領雄軍歷數秋百萬貔貅宣露布
三千鵝鶴壯星郵旌旄照眼龍韜著兵甲藏胸豹畧優
此日登壇瞻大將功勳彪炳待封侯

戊申成許百夫防休息更番妙主張靈港攀留鴻集澤

宿松堅守鶴餘糧成豐八年防守宿松九年駐守靈港一軍雷動基衡岳

二年由益陽岳州勦辦土匪始入軍營萬馬雲屯憶漢陽三年八月楨幹

芻焚山並峙居然壁壘固金湯

連營報捷羽書紅百戰曾誇百勝雄橐鞬難忘三箭日

退補齋詩存卷十一

七 退補齋藏板

血腥猶帶一翎風雨花臺上當前敵元年九月首先解雨花臺重圍望

鶴墩邊列首功十年十月破望鶴墩儒將雍容馮大樹不矜勞績

讓羣公

玉門多士樂生還談笑功成反掌間餘燼早如強弩末

凱歌齊唱大刀環鳴笳漂水歡盈耳元年十月克復漂水立馬吳

山喜動顏煙閣雲臺勳第一摩崖碑勒集賢闕集賢闕在皖省

西門外

草檄淋漓筆有神誰知武將卽文臣毫端虎卧千鈞力

善書虎字畫裏蘭滋九畹春工繪墨蘭四壁圖書消暇日一船明

月賞芳辰輕裘緩帶將軍度叔子風流是後身

初來皖水識荊州一見歡然似舊游始信英雄歸本色

相依羈旅慰離愁何年追逐雲間鶴此日逍遙水上鷗

愧乏瓊瑶酬永好多情疊荷李桃投

贈馬雨農

恩溥

學士兼以送行

雨農於安徽學政任內丁艱今服闋

矣時將赴都作此贈別

往事滄桑不可論江東文物幸猶存地經兵燹難徵獻

人在泥塗易感恩來日輶軒持使節去時桃李戀公門

南豐名望隆朝野

湘鄉相國

倒屣迎君笑語溫

退補齋詩存卷十一

八

退補齋藏板

燕山皖水兩知音畧分言情誼最深親舍望雲同下淚

時將服滿余與君先後一月

他鄉作客獨傾心闡幽私荷如椽筆贈

別慚無似餅金

為予撰一門八烈傳

我自南行君自北船唇馬背

悵分襟

大觀亭遺址

當年臺榭費經營此日滄桑慨變更浩渺江流來楚水

迴環山勢拱宜城舳舻千里沿堤鎖鴻雁三更集澤鳴

安得櫂槍都掃盡巍巍京觀築長鯨

除服有感

琴不成聲淚暗彈
愴懷風樹寸心酸
蹉跎兩鬢添黃髮
倏忽三年易素冠
烏哺莫酬恩罔極
牛眠未卜夢難安
白雲千里空瞻仰
畢世終無菽水歡
竟無綵服換麻衣
祿養空嗟素願違
辛苦征塵勞僕僕
摩挲慈綫戀依依
鳩居未穩營巢急
駒隙難停似箭飛
勤撫柩椁珍口澤
敢忘荻教受萱闈

退補齋詩存卷十一

九

退補齋
藏板

退補齋詩存目錄

卷十二

今體詩

題隨園圖應袁竹畦參軍 三首

上元日遇雪竹莊廉訪招飲賦詩誌謝

和朱久香學使對雪偶成原韻 得癡字原詩三十首今存二十四首

竹莊廉訪對客揮毫走筆如飛卽疊前韻奉贈

旅况感懷三疊前韻柬何小宋方伯

竹莊廉訪愛花卉四疊前韻贈之

退補齋詩存目錄卷十二

一 退補齋藏板

上元後一日思家五疊前韻

馬雨農學士卸學政篆主講敬敷書院六疊前韻

贈之

胞從兄弟十三人今存者祇六人矣兩遭兵燹家

境蕭然八疊前韻誌慨

東應敏齋觀察九疊前韻

為竹溪家兄援例授官十疊前韻柬何小宋方伯

吳竹莊廉訪

季荃觀察所統舊部開字營調皖防守十一疊前

韻

季荃出令郎試帖詩見示十二疊前韻

與竹莊廉訪各言家事彼此同情十三疊前韻

客中自勉十四疊前韻

王少巖總理皖省糧臺十六疊前韻贈之

和乞花東朱久香學使十七疊前韻

和種花十八疊前韻

再和乞花種花東何小宋方伯十九二十疊前韻

東陳心泉觀察二十一疊前韻

退補齋詩存目錄卷十二

二

退補齋
藏板

客感東王峯臣軍門二十二疊前韻

謝恬生繪山水冊頁二十四疊前韻

贈小宋方伯二十五疊前韻

慰農由江西抵皖回里二十八疊前韻誌別

贈袁竹畦參軍二十九疊前韻

次李季荃觀察攻克蘇常雪夜破賊壘五十餘座

馬上賦詩示諸將原韻

再疊賊圍常昭賴夫人督守城池原韻

和季荃己未避亂常州白龍庵內讀書赴浙鄉試

原韻

再疊季荃重到白龍庵原韻

三疊季荃重建白龍庵告成原韻

和李恕皆觀察感懷見贈原韻 二首

自感再疊前韻東恕皆觀察 二首

清明遇雨 清明日思家仍疊前韻

贈小宋方伯用久香學使按試廬州原韻

退補齋詩存目錄卷十二

三

退補齋藏板

漱小宋方伯用久香學使按試廬州原韻

清明遇雨 清明日思家仍疊前韻

自感再疊前韻東恕皆觀察 二首

和李恕皆觀察感懷見贈原韻 二首

三疊季荃重建白龍庵告成原韻

再疊季荃重到白龍庵原韻

原韻

退補齋詩存卷十二

今體詩

永康胡鳳丹月樵

題隨園圖應袁竹畦起參軍

一亭一榭一臺池綠淨軒中廿四詩太息紅羊遭浩劫
幾多華屋少人知

白下當年戰鼓催滿山猿鶴有餘哀孝陵松柏今何在
豈獨園林賸劫灰

傳家舊學裕孫謀幸有詩篇手澤留莫向滄桑增百感
文章政事已千秋

退補齋詩存卷十二

一

退補齋藏板

文卷上元日遇雪竹莊廉訪招飲賦詩誌謝

宿雨將晴天又雪蒙頭擁被卧袁安來鴻迢遞傳書急

策馬泥塗行路難四座賓朋潛虎豹幕中多材藝士文章詩畫各擅所長

一門師弟慶鸞鸞丁恬生觀察戴芝亭協戎皆門下士纔知調鼎和羹手

莫作尋常異味看自製黃魚款客

和朱久香蘭學使對雪偶成原韻

春宵雨雪起偏遲冷卧袁安一榻支柳絮飛來梅影淡

青山老去白頭癡千軍擐甲平吳日孤客乘舟訪戴時

太息中原烽火熾衝寒未息羽書馳

竹莊廉訪對客揮毫走筆如飛卽疊前韻奉贈

豪吟翻笑八叉遲百斛千鈞筆力支龍領探驪隨口出
駑駘附驥太心癡平生不作欺人語一日難忘見面時
新雨相逢如舊雨勞勞車馬悵分馳

旅况感懷三疊前韻東何小宋方伯

燕巢戀舊去遲遲分我廉泉歲月支

方伯每月分俸相贈

過客如

鴻留爪印傍花有蝶總情癡西窗翦燭邀連夕東閣吟
梅問幾時逆旅光陰三百六南船北馬枉勞馳

春寒竹莊廉訪愛花卉四疊前韻贈之

退補齋詩存卷十二

二

退補齋藏板

春寒花信較開遲此老婆娑樂不支餐菊竟成陶令癖
詠蓮莫笑謝公癡蘭堪作友憐同臭梅許為妻聘幾時
詩國便從香國啓吟箋往復逐颺馳

上元後一日思家五疊前韻

行囊羞澀計歸遲湖海遨遊強自支逆旅無聊隨聚散
家翁有術慣聾癡感懷親友離羣久夢想兒孫上學時
辜負鄉關今夜月家家爭看篠驂馳

馬雨農學士

恩溥

卸學政篆主講敬敷書院六疊

前韻贈之

八代衰頽起未遲如椽大筆力能支文扛百斛知名早
厦庇千間結願癡比戶絃歌風近古盈門桃李雨逢時
人才自昔推江左回首星軺幾度馳

胞從兄弟十三人今存者祇六人矣兩遭兵燹家

境蕭然八疊前韻誌慨

修德空教食報遲遺留祖澤各分支年無可假催人老
魂不能招歎我癡分手一門離散日愴懷羣季死忠時
諸弟死難者五人 錢塘潮信朝兼暮遠盼平安竹報馳

東應敏齋觀察

寶時

九疊前韻

時敏齋署蘇松太道篆

退補齋詩存卷十二

三

退補齋藏板

驛使梅花問訊遲江南韶景燦金支吳中得歲民無恙
夢裏尋君我欲癡雅量澄于黃叔度鴻名噪似鄭當時
殷勤寄語加餐飯可有回書馬上馳

為竹溪家兄援例授官十疊前韻東何小宋方伯

吳竹莊廉訪

連床風雨悵歸遲棣萼荆花本一支暖幸成裘仍腋集

貧甘擊柝莫心癡

蒙二公分廉飲助

官同雞肋堪尋味粧學蛾

眉要入時憐我陟岡瞻望切韶華莫放隙駒馳

季荃觀察所統舊部開宇營調皖防守十一疊前

韻

行軍宜速戰宜遲秣馬芻糧裕度支真是英雄能本色

不貪富貴豈為癡

簡放甘涼道
奏開缺

鼎鐘泐績吳山上

克復
絲常

各郡表帶觀兵皖水時江左夷吾今復見漫思湖畔買驢

馳

李荃出令郎試帖詩見示十二疊前韻

篇篇錦繡勝邱遲步武青蓮是本支月證前身修福慧
天生英物絕嬌癡始知庭覆三槐蔭想見詩成七步時
千里家駒名不媿風雲指日軼塵馳

退補齋詩存卷十二

四

退補齋
藏板

與竹莊廉訪各言家事彼此同情十三疊前韻

同憐雙鬢未衰遲大厦猶思一木支要識居貧安且吉

那知涉世黠勝癡痛心棟斲招魂日

君三四兩胞弟余
六七兩胞弟為

國捐

回首烽烟墮淚時等是有家歸未得為官為客兩

分馳

客中自勉十四疊前韻

舉酒澆愁得句遲枯腸搜索恐離支人生富貴幻中幻
世態炎涼癡復癡去日輒思來日好順風當慮逆風時
桑榆未晚須加勉莫使蹉跎歲月馳

王少巖延長總理皖省糧臺十六疊前韻贈之

運籌帷幄豈容遲為幹為楨廣厦支財本儻來偏獨累
物歸阿堵惹人癡幾同道濟量沙日又見文淵聚米時
簿領餘閒操勝算羽書迢遞驛中馳

和乞花東朱久香學使十七疊前韻

留得春陰故故遲閒庭風月可分支海棠無主容梅聘
蝴蝶多情共我癡睡醒淡雲微雨日影移粗服亂頭時
出牆料得春如海未叩柴扉意已馳

和種花十八疊前韻

退補齋詩存卷十二

五 退補齋藏板

羣芳莫訝買春遲待到花朝喜不支趁月揮鋤蟾影瘦
尋香繞砌蝶情癡門多桃李栽培久室有芝蘭灌溉時
聽說星軺移使節駢駢四牡更驅馳時將按廬州

再和乞花種花東何小宋方伯十九二十疊前韻

賞春轉覺餞春遲月季長開十二支訪豔渾如求友樂
尋芳更比借書癡羅浮客惹探梅夢深巷聲憐賣杏時
最羨蘭陔承美蔭寸心不用嶺南馳

萬間廣厦許棲遲香度薇垣樂不支盡入藥籠推品妙
慣栽棘樹笑人癡東風巧試分春手明月剛逢息影時

八百孤寒待培植皇華緩賦驅馳赴楚尚無行期

東陳心泉澹觀察二十一疊前韻

追溯淵源覲面遲虞公一脈未分支陳胡無二姓皆陳胡公後也驂

騶開路程先穩蛺蝶穿花夢亦癡仲舉招賢留榻日龍

川立說著書時客愁萬斛銷難盡媿我蹉跎日月馳

客感東王峯臣可陞軍門二十二疊前韻

讀書已悔十年遲作客無聊短策支懶散都從駒隙過

功名敢說虎頭癡鯨鯢浪靜澄清日鵝鶴聲銷整暇時

八皖肅清兵事息羽書楚北又交馳時拾匪窳楚北陷黃陂等邑

退補齋詩存卷十二

六 退補齋藏板

謝恬生繪山水冊頁二十四疊前韻

圖畫何嫌落墨遲一邱一壑細分支毫端風雨推摩詰

紙上煙雲學大癡投筆從戎懷曩日披箋染翰喜今時

皖江防守安磐石無復軍書絡繹馳統領團防營鎮守皖垣

贈小宋方伯二十五疊前韻

襲襲衙鼓漏聲遲鶴俸無餘孰借支酬世不知家計累

銷愁惟有酒情癡簿書稿判三更後夢筆花生五色時

夜半公服始能和詩連日鄰封相告急郵籤絡繹楚天馳拾匪窳楚北與

皖毗連探報不絕

慰農由江西抵皖回里二十八疊前韻誌別

章江買棹去來遲雨雨風風力不支皖國湖山歸有主

蘇隄花柳望成癡回看桃李成陰日守杭府時建東城講舍尚門課士獎

拔入才祇賸琴書滿載時作客無聊兼送客蒲帆十幅去

如馳

贈袁竹畦起參軍二十九疊前韻

韶光莫怨夕陽遲翼鏢精神杖不支竹畦隨園太史之孫今年七十四矣

作宦何嫌微祿薄吟詩應笑半生癡年高洛社耆英會

班列衙官屈宋時盥誦新安消夏草才名早共使星馳

退補齋詩存卷十二

七 退補齋藏板

新安消夏草一卷與邵卜生學使唱和之作

次李季荃觀察攻克蘇常雪夜破賊壘五十餘座

馬上賦詩示諸將原韻

奇謀預定復南征戰壘譁聞鵝鶴聲雪沒馬蹄銷浩劫

民逃虎口慶餘生聯營迅掃元戎畧萬姓歡呼上將名

捷報紛馳平蔡日鯨鯢殲盡海波清

再疊賊圍常昭賴夫人督守城池原韻

同仇伉儷助專征環珮聲兼鼓角聲燕頷功勳頻奏捷

蛾眉韜畧慶全生絕兒女態英雄膽爭丈夫功巾幗名

詩咏小戎最風雅聰明還比雪冰清

夫人守城時和詩寄慰觀察

和季荃己未避亂常州白龍庵內讀書赴浙鄉試

原韻

夢筆花開藻思通青蓮避地溯江東
蝸居曾託書生跡豹隱誰知命世雄
久欲奮身伸屈蠖何愁點額不登龍
吟聲纔斷鐘聲續佛火殘宵七寶籠

再疊季荃重到白龍庵原韻

荆棘初芟徑漸通寺門誰辨屋西東
重游不改書生態今日方知將畧雄
佛頂生光銷劍戟天心悔禍變魚龍

退補齋詩存卷十二

八

退補齋藏板

枏檀樹下曾留詠可有輕紗壁上籠

三疊季荃重建白龍庵告成原韻

石室灣環曲徑通禪樓忽現古城東
白蓮再種參元妙紺宇重開禮大雄
居士無緣悲化鶴書生有術抵降龍
衆香國裏培因果繚繞煙雲四壁籠

和李恕皆觀察感懷見贈原韻

寒梅初放挂帆時轉瞬春風到柳枝
遙憶治書常秉燭未能投筆懶臨池
養花微雨輕如膏出岫閒雲淡似炊
忽喜飛鴻傳妙翰知君擊鉢屢催詩

太白詩人第一流，豪吟把酒月當頭。囊空那更因官累，
宰奉天時因官賠累詩苦應難寫客憂。翻為知途輕老馬，已看批
卻少全牛行藏為我紆。籌策觀火誰知亦拙謀。

自感再疊前韻，東怒皆觀察。

轉蓬不定負年時，到處依棲鳥戀枝。求友自同鶯覓睨，
營巢翻笑燕差池。有歌且學巴人和，無米難教巧婦炊。
終日抄書消客况，編詩祇少謫仙詩。
去秋疊和五古，彙抄成帙，惟君首唱。

之作尚
未抄來

太息韶華似水流，無端塵事到心頭。客游還憶家山好，

退補齋詩存卷十二

九

退補齋
藏板

身累緣擔兒女憂，自笑閒蹤如野鶴。何妨小住結蝸牛，
離筵待餞春三月。買棹當為泛宅謀。
時將由皖赴楚

清明遇雨

愔愔寒食又清明，風雨天涯感客情。芳草旋添沽酒路，
小橋欲斷踏莎行。棠梨黯淡臨風影，杜宇淒涼叫月聲。
千里思家歸未得，徒澆杯酒寄平生。

清明日思家仍疊前韻

喔喔荒雞感晦明，他鄉難遣故鄉情。驚看碧柳當門挿，
愁說青山載酒行。萬井新烟開曙色，千家野祭咽哀聲。

獨余先壟疎親莫遙憶松楸百感生

贈小宋方伯用久香學使按試廬州原韻

共愛甘棠戀舊陰
嶽雲膚寸自成霖
衣披錦繡持新節
家隔羅浮夢遠岑
十事已堪酬諫草
四知從此愧懷金

君清廉率屬貧
如在京洛時

頻聞江漢思膏澤
車馬何時賦載駸北

士民望
君如歲

退補齋詩存卷十二

十

退補齋
藏板

退補齋詩存卷十二
共愛甘棠戀舊陰
嶽雲膚寸自成霖
衣披錦繡持新節
家隔羅浮夢遠岑
十事已堪酬諫草
四知從此愧懷金

